

## Il CSEB s'ha cumprovà d'urant la pandemia

**Scuol** Il cusglier guvernativ Peter Peyer e la doctoressa chantunala Marina Jamnicki han lodà il Center da Sandà Engiadina Bassa (CSEB). Avrona es statta la staziun finala da las visitas tradiziunalas da las regiuns ed ospitals dal Grischun dal cusglier guvernativ. «Il CSEB es amo adüna ün model exemplaric per centers da sandà regionalas», ha dit il cusglier guvernativ. Cha'l CSEB haja reagi a la pandemia in möd professiunal, ha infuormà Marina Jamnicki, ch'in otras regiuns nun haja quai funcziunà main bain sco qua. Il meidi Joachim Koppenberg, chi presidescha il CSEB, ha dit cha la

pandemia dal Covid saja statta la prüma crisa plü gronda pel Ospidal e pel center da sandà: «Grazcha a nossas structurass vaina pudü reagir svelto ed applichar las masüras necessarias.» Cha'l CSEB saja grazcha a la stretta cooperaziun cul Chantun bain posiziunà i'l cumbat cunter la pandemia, ha accentuà Philipp Gunzinger chi fa part dal cussagl da fundaziun dal CSEB. (fmr/fa)



**Joachim Koppenberg (da schnestra), Peter Peyer e Marina Jamnicki han orientà davart la visita a l'ospidal a Scuol.** fotografia: Flurin Andry